

Selikor ayera, awe i mañan

EST. 1995



Mañan, 20 di desèmber 2020 Selikor NV ta kumpli 25 aña di eksistensia. Ta un bon okashon pa para ketu na Selikor NV su nacementu, evaluá desaroyo di su maneho i tira lus riba tantu organisashon di e kompania, como su trahadónan. 25 aña pasá a kuminsá ku basha i lanta e fundeshi di Selikor, pa despues sigui konstruí riba dje; un proceso ku awe ainda ta kontinuá.

Responsabilidat di limpresa

Den tempu kolonial ta Gobernadó tabatin poder apsolutu i t'e so tabata responsabel pa limpieza i salú públiko. Den su maneho pa tene Kòrsou limpi Gobernadó, pa medio di dekreto, tabata enkargá kada suidadano pa tene limpieza. P'esei no tabata eksistí un servisio di limpieza di Gobièrnu mes. Gobièrnu tabata dependé di kooperashon di habitantenan pa hasi i tene limpi. Den siglo 18, pero prinsipalmente den siglo 19, Gobièrnu a dekretá i publiká regla pa kombatí shushedat den stat. Tambe a traha regla pa atendé ku shushi di kas i tene kaya limpi. Tabata pone énfasis riba salubridat. Gobièrnu kier a kombatí tur sorto di enfermedat, prinsipalmente esnan kontagioso i difisil pa kombatí e tempu ei, manera kólera, pèst, tifús,

keintura hel, rode hond i difteria. Un enfermedat contagioso den un situashon a-higiéniko por kobra hopi víktima.



Na fin di siglo 19 Gobièrnu a ripará ku no por sigui dependé solamente di responsabilidat di e suidadano i ta enkargá Departamentu di Obranan Públiko ku limpieza di kaya. Den siglo 20 e servisio akí ta bai hunga un papel importante den desaroyo di servisio di limpieza.

Kambio di maneho

Gobièrnu ta kambia su maneho pa ku limpieza den kolonia. No ta laga kada suidadano mes ta responsabel mas pa deshasí di su shushi, pero Gobièrnu ta organizá pa rekohé i atendé ku shushi i limpieza den su totalidat. Ta lanta un servisio ku e tarea spesífiko pa duna servisio di limpieza na públiko. No solamente pa bari i tene kaya públiko limpi, pero tambe pa regularmente pasa rekohé shushi di kada kas, rekohé i transportá kakushi di kasnan den stat i duna servisio adishonal pa limpieza berpùt, zenkpùt i riol. Saliendo for di e punto di bista ku limpieza di un pais ta importante pa un maneho di salú públiko, Gobièrnu ta pone e servisio di limpieza nobo akí kai bou di e Servisio di Salubridat Públiko, ku e tempu ei tabata yama Reinigings-en Ontsmettingsdienst, den boka di pueblo simplemente Reinigingsdienst.

1973: Reinigingsdienst; servisio independiente

Na yanüari 1973 Reinigingsdienst a bira un servisio independiente di Gobièrnu Insular di Kòrsou, lòs for di Servisio di Obranan Públiko (DOW). Esaki pa motibu ku Servisio di Obranan Públiko tabatin su man yen ku trabou riba tereno di obranan públiko,

miéntras Reinigingsdienst tabata eksiguí mas atenshon i profesionalismo. Mester a optimalisá e maneho di limpieza pa por kumpli ku eksigensianan internashonal. Reinigingsdienst su aktividatnan di limpia kaya, rekohé i transportá shushi a keda meskos. Ta mantén repartishon di e tipo di shushi ku rekohé den shushi di kas, di kaya, di saneamentu i di konstrukshon. Tambe e trabounan adishonal manera limpieza di berpùt i zenkpùt, renbak i kloaka a sigui. Pero a bin un maneho pa optimalisá tur servisio, dirigí tambe riba konsientisá pueblo di su ròl den mantén nos isla limpi.

1983: di Reinigingsdienst pa Selikor

Na aña 1983 a start ku un proceso di reorganisashon nobo. Otro desaroyo importante ta e hecho ku a eliminá e dependensia atministrativo finansiero di Servisio di Obranan Públiko. E nòmber ofisial Reinigingsdienst a pasa pa historia. For di 1983 ta papia di Selikor. Selikor ta kuminsá



atendé dirèkt ku Departamentu di Finansa di Teritorio Insular di Kòrsou i ta traha su mes presupuesto i plan di finansa. Ta sigui ku e desaroyo pa profesionalisá i optimalisá maneho di limpieza i asina ta sigui diferente inovashon, tantu na benefisio di komunitat como pa salú di trahadónan di Selikor ku tin ku atendé ku shushi.

1995: di Selikor pa Selikor NV

Despues ku for di aña 1987 Bestuurcollege di Kòrsou a kuminsá evaluá e posibilidat pa kambia struktura di e servisio di gobièrnu, dia 20 di desèmber 1995 Selikor a pasa di un servisio di Teritorio Insular di Kòrsou pa un kompania anónimo di Gobièrnu Insular: Selikor NV

Selikor NV

Komo un servisio di Gobièrnu, Selikor tabata hañé konfrontá ku diferente opstáculo ku tabata stroba su funshonamentu optimal, ku konsekuensiá ku no por a cumpli ku entre otro rekohementu di shushi di kas regularmente i na tempu. Prinsipalmente e maneho di finansa, ku mester a bai segun reglanan di kontabilidat, tabata stroba e servisio na público i kompra di material i mantenshon di trùknan di shushi tabata sufri tardansa.



Struktura i supervishon

For di 1996 gerensia di Selikor NV tabata konsistí di Rignaal 'Jean' Francisca MBA como direktor general i Ir. Wesley Kook como direktor suplente. Jean Francisca a pasa di hefe interino di Reinigingsdienst, pa hefe di servisio di Selikor na 1988 i na 1995 ta nombré como direktor di e NV nobo. E aktual direktor di Selikor NV, sr. Wesley Kook, a drenta servisio di Selikor na

- operá manera un empresa komersial pa por brinda público un mihó servisio i traha efektivamente i efisientemente pa tene Kòrsou limpi;
- denter di 5 aña bira un kompania no supsidiá.

Ku kooperashon di henter personal a tuma e reto. Awe Selikor NV ta un kompania anónimo di Gobièrnu ku, a base di un kòntrakt, tin ku ehersé sierto tareanan ku ta responsabilidat di Gobièrnu.

Maneho integral

Selikor ta traha segun un maneho di shushi integral, pa garantisá ku ta atendé di un forma responsabel ku e fluho di shushi ku nos komunitat ta produsí. Un maneho integral ta un maneho responsabel i duradero, ku ta duna atenshon na tur etapa ku tin òf por tin influensia riba kon ta atendé ku shushi den su totalidat. Pa duna kontenido na e maneho integral akí Selikor NV ta implementá shete fase; prevení, rekohé, transportá, resiklá, prosesá, deshasí i monitòr.

Maneho di personal

Selikor NV a bin ta hiba un maneho di personal aktivo como parti di e maneho dirigí pa logra e resultadonan stipulá den e areglo ku gobièrnu. E maneho akí, ku Selikor ta hiba te awe, ta pone énfasis riba aspektonan manera posishon hurídiko i e parti sosial humano, ku ta nesesario pa motivá e personal pa e funshoná produktivamente. Selikor ta invertí den su trahadónan. Pa haña apoyo di bo trahadónan, mester invertí den nan. Selikor su CAO ta kontené un pakete di benefisio atraktivu.

Benefisionan adishonal ta enserá un Fondo di Spar pa ora ku baha i ku ta risibí un porcentaje di ganashi. Tambe ta ofresé kada empleado amplio posibilidat pa estudio. Te awe Selikor ta invertí den rekursu humano.

Pa mantené su posishon como lider di merkado na Kòrsou i bira E kompania di maneho di shushi di region, ta Selikor su deber di para na vanguardia di implementashon di desaroyonan nobo den maneho di shushi. Por logra esaki dor di oumentá konosementu di empleadonan. Selikor no ta spar esfuerzo ni medio pa subi nivel di su personal. Kontinuamente Selikor ta invertí den su rekursu humano, un di su pilánan mas grandi. Banda di edukashon i treinen, ta hasi esfuerzo pa ofresé empleadonan un ambiente di trabou seif i plasentero, pa por gosa pa hopi aña di aporte produktivo i motivá di kada empleado.

E reto di servisio komersial

Selikor no únikamente a traha pa mantené su gastunan operashonal abou, sino tambe pa oumentá su entradanan.

Pa engrandesé e pia komersial di e kompania Selikor a introducí diferente produkto i servisio nobo. Ounke su tareanan prinsipal ta konsentrá riba shushi sólido, Selikor ta hasi limpieza di berpùt i zenkpùt tambe i pa aktividadnan público Selikor ta hür diferente tipo di tualèt portátil. Tur esaki ku e lema: 'Servisio na midí i di bon kalidat.'

Ekipo i material modèrno

Na 1996 Selikor a start ku un plan di invershon pa atkerí ekipo i material ku por a cumpli



Pa un funshonamentu optimal ku mas efisiensia i efikasia den maneho di limpieza na Kòrsou, mester a saka Selikor for di esfera di gobièrnu. E struktura mas apropiá pa Selikor a resultá di ta un NV, un kompania anónimo, ku mester a logra baha gastunan di operashon di e servisio i alabes cumpli ku gobièrnu su tarea di tene Kòrsou limpi na un manera mas eficiente i responsabel. Ounke e Selikor nobo a kuminsá operá dia 1 di yanüari 1996, ofisialmente ta rekordá ku ta dia 20 di desèmber 1995 a instituí e kompania, riba e fecha ku a firma su statutonan.

aña 1989 den e funshon di kolaboradó di maneho. Na 1990 Wesley Kook ta pasa pa okupá e posishon di direktor athunto. Na aña 1996 gerensia di Selikor NV tabata pará dilanti di un reto: logra implementá e kambionan nesesario, pa por cumpli ku e metanan stipulá pa gobièrnu;

- implementá un maneho di shushi kompletu i responsabel na Kòrsou, siguiendo prinsipionan ekonómiko empresarial den kuadro di lei- i ordenansanan ku ta regardá shushi sólido i kímiko i den kuadro di plannan pa manehá shushi;

ku eksigensianan i normanan internashonal. Tambe a kumpra diferente tipo di kònteiner; esnan chikí pa rekohé shushi di kas i esnan di diferente tamaño pa hür ku empresa. Dia 14 di sèptember 1996 presidente komisario Mayra Coffie a duna e señal di salida pa introdusí kònteiner na tur kas. Un habitante di Bândabou a risibí e promé kònteiner i fin di sèptember di aña 1997 a entregá e último kònteiner simbólikamente na Pastor Simon Wilson di Parokia di Steenrijk.

Na aña 1997 a sigui strukturá rekolementu di shushi na empresa i a introdusí diferente tipo di kònteiner pa shushi empresarial. Na 1998 a introdusí e promé kònteiner di përs na transbordo di shushi Koraal Specht pa tira tur shushi ku ta bini ku trük for di e distrito di Bândariba. Despues di tempu a bini un di dos kònteiner di përs na e sitio akí.

HAIKU

Wak bo no hera
tera ta pa kultivá
no pa dèk shushi

L.E.R.

Outomatisashon kontinuo

Outomatisashon di Selikor NV a tuma lugá den fase. Na 1998 a outomatisá e brúgnan ku ta pisa shushi na lèntfel Malpais i transbordo di shushi Koraal Specht, pa por registrá e kantidat di shushi ku ta depositá, poniendo fin na e sistema di atministrashon manual.



DI DRÙM PA KLIKO

E adelanto mas grandi ku Selikor e trese na Kòrsou ta den kolekshon i transporte di shushi. Den pasado pa añanan largu tabata tira shushi di kas den drùm di 55 galòn. Rekohedónan di shushi tabatin ku hisa e drùmnan akí hasi bashí den trük di shushi pa transportá pa lèntfel.

For di 1996 ta usa kònteiner di plèstik riba wil i trüknan di shushi ta hasi nan bashí mekánicamente. Ku introdukshon di kliko kolekshon di shushi ta mas eficiente i muchu mas higiéniko. Ademas e método akí a trese un alivio grandi pa trahadónan ku no tabatin ku hisa drùm pisá mas.



Den e añanan ku a sigui a outomatisá e parti operashonal kompletu. Na aña 2002 a hasi un estudio di e infrastruktura teknolójiko den Selikor i a analisá e aspekto di seguridat, ku a resultá den un plan di mas aña pa e periodo di 2004-2007. Na 2004 a sigui ku outomatisashon di registro di pòst i atministrashon di dokumentu. Den 2004 tambe a bini ku ekiponan teknolójiko pa inisiá e trayekto di seguridat.

Inovashon

Kada ken ta responsabel pa su shushi. Loke Selikor ta hasi ta, duna servisio di buska e shushi, hibé e lugá ofisial pa depositá tur shushi, ku ta lèntfel Malpais. Selikor ta invertí den e último teknologia i ingenieria pa sigurá ku nos lèntfel ta operá na un manera sostenibel. Kada tipo di shushi tin un impakto diferente riba medio ambiente, pues ta eksiguí diferente forma di elaborashon. Mester trata sierto tipo di shushi ku koutela i ku atenshon spesial, pa evitá kontaminashon di suela i e awa di suela.

Na aña 2003 Selikor ta kumpra un fòrnu pa kima shushi. Ta lanta Curaçao Incineration Company (CIC) NV ku e fin di kima sierto tipo di shushi. Den e kompania akí Selikor ta partisipá ku 70%. Ya no ta dera sierto kategoria di shushi manera kadaver di animal, shushi di abatuar, shushi di laboratorio i di hòspital riba lèntfel mas, pa evitá kontaminashon di tera i pa evitá ku ta eksponé e trahadónan di lèntfel na shushi ku por ta peligroso pa salú. Tambe e fòrnu ta brinda servisio na tur instansha òf empresa ku ke deshasí di un forma sigur di nan dokumentunan konfidensial. Ta usa teknologia di kombustion avansá pa kima shushi spesial i peligroso i asina konservá nos rekursenan natural. For di ougústus 2019 Selikor tin un fòrnu nobo na Malpais.

Finansas

Ku privatisashon di Selikor NV, Gobièrnou Insular kier a baha gastu. Esei a sosodé tambe. For di aña 1996 te ku aña 1998 Selikor a sa di keda bou di e défisit presupuestá i for di 1999 Selikor por a kubri tur su gastunan i hasta a hiba un ganashi di 1.1 mion florin antiano. E suma ku Gobièrnou a spar ku Selikor NV den 5 aña, di 1996 te 2000, tabata 12.6 mion florin mas ku e 59 mion presupuestá inisialmente. Selikor a sigui hiba un kèntròl estríktu na nivel di su gastunan i a sigui traha pa oumentá su entradanan.

Di e forma akí nan ta atkerí konosementu riba tereno di maneho di shushi ku por sirbi den nan trabou di tur dia pa mehorá e servisio na cliente.

Produkshon di shushi

Produkshon di shushi ta parti di bida humano. Nos ta produsí shushi na kas di famia, skol, ofisina, marshe, restorant i otro lugánan pùblico entre otro. E lugánan akí ta generá shushi prosedente di artíkulonan ku ta usa diariamente.



Selikor ta sòru pa semper datonan finansiero ta al dia, di moda ku ta usa e datonan akí pa manehá e kompania i pa por tuma e deshonnán korekto na momentu ku esaki ta nesesario.

Siensia i konosementu

Selikor ta miembro di diferente organisashon internashonal, entre otro ISWA (Internashonal Solid Waste Association), NRVD (Nederlandse Vereniging Reinigings Diensten) i Amust (Asosashon pa desaroyo Maneho Uni di Shushi i Teknologia. Tur aña di nobo un òf mas representante di Selikor ta bisha pa eksterior pa partisipá na simposio i konferensia di e organisashonnan akí.

Tin hopi tipo di shushi mas, entre otro shushi di konstrukshon, shushi kímiko, shushi médiiko i shushi líkido. Mester manehá kada tipo di shushi diferente, usando téknikanan avansá.

Téknikanan di maneho di shushi moderno ta mas higiéniko, seif, eficiente i mas favorabel pa medio ambiente. Pero mas importante, téknika moderno ta hasi maneho di shushi fásil i ménos kostoso riba término mas largu.

Resiklá, Reusá i Redusí

E problema di shushi ta un problema mundial i ta mes bieu ku rasa humano. Den tur pais rònt mundu e kantidat di shushi ta oumentá. Tur aña mundu



HAIKU

Pabien Selikor
Kòrsou ta gradesido
Bintisinku mas

L.R.

ta generá biones di tonelada di shushi. Eliminashon di e kantidat grandi akí di shushi ta un problema ambiental enorme ku hopi dimenshon. Shushi sólido, industrial i depósitonan biomassa ta kousa polushon di tera i awa na gran eskala. Nan ta hasi daño na bida humano i ta destruí otro organismo i nan ambiente. Pa e motibu ei mester trata di un manera adekuá ku shushi. Tratamentu no apropiá ku shushi, entre otro tiramentu di shushi unda ku ta, por kousa ku ta atraé djaka, raton i insektos (kakalaka, sangura), ku ta kargadónan di parásito digestivo, keintura hel, bichi, pester i otro kondishonnan malu pa hende. Eksposishon na shushi peligroso, partikularmente ora kima nan, por kousa vários otro malesa, inkluso kanser. Sustansianan venenoso por kontaminá awa superficial, awa den suela, tera i airu, kousando mas problema pa hende, otro espesie i sistemanan ekológico. Tratamentu adekuá ku shushi no ta responsabilidat di gobiernu so, sino di tur hende. Resiklá, reusá i redusí ta e stapnan di mas simpel ku kada persona por sigui pa aportá.

Maneho di resiklahe

Resiklahe ta parti di maneho integral di Selikor. Na Kòrsou Selikor ta e único kompania ku ta hiba un maneho di limpieza den su totalidat. Pa esaki tin un plan di maneho ku kada 5 año ta revisá i adaptá segun desaroyonan lokal i internashonal riba tereno di waste management. Tur año Selikor ta prosesá 160.000 tòn di shushi, mas o menos 1 tòn, esta mil kilo pa habitante. Di tur e shushi ku yega lèntfel Selikor ta resiklá 20%. Mayoria ta shushi di konstrukshon i di slooperei ku ta bolbe usa den konstrukshonnan nobo òf konstrukshon di kaya na Kòrsou.

Futuro

Maneho di shushi
ribatérmino largu. Kambio ta trese oportunidat.



Selikor ta probechá di e oportunidadn akí i traHANDO riba diseño di un maneho di shushi riba térmico largu. Ta pensa riba: Shushi ku riesgo potencial, ku na e momentu akí ainda no por anda kuné na un manera responsabel. E por bira un segmento di merkado nobo pa Selikor.

Apliká Waste to energy riba e fòrnu pa kima shushi ku tin awor. Ta e intenshon pa den futuro bira posibel pa utilisé e fòrnu kontinuamente, ku mira riba efisiencia; por usa ménos

HAIKU

Selikor awe
Ku aporte di nos tur
Selikor mañan

M.A.E.

kombustibel ora ku por alimentá e fòrnu ku shushi bon mesklá. Den futuro ta posibel pa generá koriente tambe.

Un reto nobo ta awa residual ku por forma un menasa higiéniko. Antisipando riba esaki, den futuro Selikor por ofresé solushon pa elaborashon di e tipo di shushi akí.

Ademas Selikor ta pensa di amplia actividadn komersial òf drenta otro merkado, pa redusí dependencia di gobiernu, i kontinuá ku digitalisashon di e prosesonan komersial. Den quadro di maneho duradero di medio ambiente, Selikor ta pasa completamente pa faktura digital pa cliente.

Tambe lo mejorá e servisio den varios aspekto, kaminda tantu riba tereno di kalidat como medio ambiente lo dirigí mas riba subimentu di efisiencia.

Den e quadro akí por nombra e siguiente proyektonan:

- den futuro tur trük ta bini ekipá ku GPS i e sistema di hasi bashí pa e bakinan. Ya tin trük ku GPS kaba.

- e flete di vehíkulo ta optimalisá. Tin uso mas optimal di e veikulonan disponibel i a deshasí di veikulonan di mas/ innesesario. Lo sigui optimalisá uso di e flete di vehíkulo, pa redusí uso di diesel i deskargá ménos CO₂.
- baha uso di koriente ku atkisishon di panel solar. Ora ku amplia e flete ku veikulonan eléctrico, por usa e panelhan solar tambe pa karga nan. Ademas, dor di kore riba elektricidad por baha e uso di diesel drásticamente.

Selikor ta kla pa e retoran akí tambe!



SELIKOR

ISO 9001 • ISO 14001

Huntu nos a logré